

**Uunga siunnersuut: Sumiiffinni immikkut toqqakkani takornariartitsisarnernut
akuersissuteqartarneq pillugu Inatsisartut inatsisaat**
*Inuutissarsiornermut, Niuernermut, Aatsitassanut, Inatsisit Atuutsinneqarnerannut
Naligiissitaanermullu Naalakkersuisumit saqqummiunneqartoq*

pillugu

Inuussutissarsiornermut Aatsitassanullu Ataatsimiititaliap

siunnersuutip pingajussaaneernejarneranut

ILASSUTITUT ISUMALIUTISSIISSUTAA

Ataatsimiititaliap suliarinninnermini [kingullermik] ilaasortarai:

Inatsisartunut ilaasortaq Karl Tobiassen, Siumut, Siulittaasoq
Inatsisartunut ilaasortaq Bentiaraq Ottosen, Atassut, Siulittaasup tullia
Inatsisartunut ilaasortaq Kristian Jeremiassen, Inuit Ataqtigiit,
Inatsisartunut ilaasortaq Mariane Paviassen Jensen, Inuit Ataqtigiit
Inatsisartunut ilaasortaq Lars Poulsen, Siumut
Inatsisartunut ilaasortaq Kuno Fencker, Siumut
Inatsisartunut ilaasortaq Pele Broberg, Naleraq

Ataatsimiititaliap UKA 2024-p ingerlanerani oktobarip ulluisa 15-ianni
aappassaaneerinninnerup kingorna siunnersuut misissuataarpaa.

Ilisimatitsiffiusumik ataatsimiinneq

Inuussutissarsiornermut, Niuernermut, Aatsitassanut, Inatsisit Atuutsinneqarnerannut
Naligiissitaanermullu Naalakkersuisoq ilisimatitsiffiusumik ataatsimeeqateqarnissamik
kissaateqarpoq tamannalu 20. Novemberimi ingerlanneqarpoq.
Ataatsimiinnermi atortut ilanngussatut 1-tut ilanngunneqarput.

Ataatsimiititaliap siunnersuummik suliarinninnera

Ataatsimiititaliap piginnittuunermut piumasaqaateqarnissamik inassuteqarnerata
piviusunngortinnissaanut unammillernartoqarnera Naalakkersuisup nassuiaatigaa.
Tamanna tunngavigalugu ataatsimiititaliap inassuteqaatit ilusaat imarisaallu naleqqussaavigai.

Ataatsimiititaliap inassuteqaatai

1. Ataatsimiititaliami amerlanerussuteqartut Inuit Ataqtigiit, Siumup Atassutillu ilaasortaataitaat taamaattumik allannguutissatut siunnersuummut allannguutissatut siunnersuuteqarput.
2. Ataatsimiititaliami amerlanerussuteqartut Inuit Ataqtigiit, Siumup Atassutillu ilaasortaataitaasa piginnittusaanermut piumasaqaatip sakkortusineqarnissaa Naalakkersuisunut kaammattuutigaat, taamaalilluni inuit inatsisilerinikkullu inuttut isigineqarsinnaasut kalaallinik piginneqataassuteqarnissap minnerpaaffissaa 2/3-mut aalajangersarneqassasoq.
3. Ataatsimiititaliami amerlanerussuteqartut Inuit Ataqtigiit, Siumup Atassutillu ilaasortaataitaasa Naalakkersuisunut kaammattuutigaat § 10-mi piumasaqaammik ilanngusseqqullugit Kalaallit Nunaanni najukkani suliffeqarfiit salliutinneqartussanngortillugit, minnerpaamik piumasaqaatit tamarmik naammassineqarsimappata. Taamaaliornikkut suliffeqarfiit nunatta avataaneersut akuersissutinik pissarsisinaanerat annikillisinneqarsinnaavoq.
4. Ataatsimiititaliami amerlanerussuteqartut Inuit Ataqtigiit, Siumup Atassutillu ilaasortaataitaasa Naalakkersuisunut kaammattuutigaat § 16 sakkortusineqaqqullugu najukkani sulisunik pilersuisunillu atuinisaaq periarfissaannaanani pinngitsoorani malinneqartussanngorlugu. Piumasaqaammut tamatumunnga najukkani sulisunik atorfinitsitsisarnissanut pilersuisunillu Kalaallit Nunaannersunik isumaqtigiissuteqartarnissamut procentimik minnerpaaffissamik aalajangersaasoqarnissaa ilaasariaqarpoq.
5. Ataatsimiititaliami amerlanerussuteqartut Inuit Ataqtigiit, Siumup Atassutillu ilaasortaataitaasa Naalakkersuisunut kaammattuutigaat § 4, imm. 3 sakkortusineqaqqullugu, pisinnaatitsissutinik pigisaqartut akuersissutinik suliffeqarfinnut nunanit allaneersunut tunniussisinaanannik mattussisumik. Kalaallit Nunaanni najukkani ingerlatseqatigiiffinnut inunnulluunniit tunniussinissaq taamaallaat periarfissaasariaqarpoq.
6. Ataatsimiititaliami amerlanerussuteqartut Inuit Ataqtigiit, Siumup Atassutillu ilaasortaataitaasa Naalakkersuisunut kaammattuutigaat ingerlatseqatigiiffik nunanit allaneersooq akuersissummik tunineqassappat, taava piffissaq akuersissuteqarfiusoq sivilisunerpaamik ukiunut tallimanut-qulinut sivikillineqaqqullugu qinnuteqaqqittarnissarlu piumasaqaatigalugu. Taamaaliornikkut siunertarineqarpoq najukkanit aallaaveqarnerup akulikinnerusumik nakkutigineqarlunilu nalilersorneqartarnissaata qularnaarneqarnissaa.

Allatigut

Takornariartitsisarnermik inuussutissarsiuqarnerup najukkanit aallaaveqarnissaa qularnaarniarlugu Naalackersuisut ingerlaavartumik suliaqarnissaat ataatsimiititaliap pingaartutut isigivaa. Inatsisit allat najukkani ingerlataqartut illersorneqarnerinut sunniuteqarsinnaasut nutarterneqarnissaat Naalackersuisut isumaliutigissagaat ataatsimiititaliap ilanngullugu kaammattuutigaa. Tamatumani minnerunngitsumik akileraartarnermut inatsiseqartitsinermi malittarisassat, ingerlatseqatigiiffiit iluini niueqatigiinnermut akigitinneqartartut (transferpricing) sakkortusineqarnissaat ilanngullugu, eqqarsaatigineqarput.

Taamatut oqaaseqarluni isumaliutissiisummillu allassimasutut paasinnilluni ataatsimiitaliap siunnersuut pingajussaaniigassanngortippaa.

Karl Tobiassen
Siulittaasoq

Bentiarq Ottosen
Siulittaasup tullia

Mariane Paviasen Jensen

Kristian Jeremiassen

Lars Poulsen

Kuno Fencker

Pele Broberg